

телеси с нуждею отторгнути; а дщерь⁶⁹ повеле в живых оставити, дабы ему лепоты ея насладитися, еже и бысть.

Се днешь зрите, любимицы⁷⁰ мой, какова кончина творящим неправедная беззакония: в ню же меру меряют,⁷¹ возмерится им,⁷² и кую чашу прочим наполняют,⁷³ ту и сами испивают.⁷⁴ Где слава високоумия?⁷⁵ Где супруга и чада любима?⁷⁵ Где чертоги златоверхии? Где трапезы⁷⁶ пресветлые и тельцы упитанныя? Где рабы⁷⁶ и рабыни предстоящи? Где порты и обуша драгоценныя и где прочая утвари царския? Кто может жену и чада изъяти от руку спекулатаря? Возводящими⁷⁷ очеса своя семо и овамо и не обретающе⁷⁸ себе никого же⁷⁸ помощника, яко в последней нищете обретшеса, удавлению вдашеса.

И тако доиде той еретик Гришка предивного и пресловущаго, в поднебесней сияющаго яко светила, великого града Москвы, и вниде в онь 113-го году месяца июня в 20 день четвертка ничим же вредим. И не по своему си разуму и хотению, но по божию изволению, яко не подобает душегубцам и разбойником с праведными во дворятися, и повеле⁷⁹ того преждеупомянутого святоубийца Бориса⁷⁹ из⁸⁰ Архангела⁸¹ от царских родителей⁸² изовлеши с поруганием на сонмище. И зряшу всякому⁸³ на нь,⁸⁴ яко сей есть достоверный Борис,⁸⁵ иже прежде подсече благорасцветаемая древа⁸⁶ великая и пожа немилосердным серпом своим, и иных множество, яко цветия травнаго или яко листвия смаковнаго. Се ныне, где сам обреташеса, яко отнюдь нищ⁸⁷ и повержен на позорищи? И повеле его погрести и жену, и сына его во убозем монастыри⁸⁸ девиче, еже именуется Варсунофьин.⁸⁹ И потом вниде в внутренний град, где⁹⁰ же || обиталища царския. И начаше московстии людие, знающе его, мнози познати его. И⁹¹ откры бог⁹² преждепоминаемому первострадалцу⁹² боярину князю Василью Ивановичю Шуйскому того законопреступника и ростригу богомерскую ересь уразумети, и⁹³ нача велегласно законопреступление его во услышание всем ту сущим человеком обличати, сице глаголюще: «Аз вем тя, яко несть ты сын царев, но сущий еси законопреступник розстрига Гришка Богданов сын Отрепьева». Людие же, слышаше сия, во удивлении быша и ужасе и ту ему пакости не сотвориша || ничто же. И той окаянный еретик, не могий от него обличаем быти о беззастудном своем законопреступлении, и умысли со единомысленники своего лукаваго совета, и повелеста того великаго боярина посреди града смерти предати, мечем главу его усекнути, дабы и инии о обличении его ужасались. Человеколюбивый же⁹³ творец наш и содетель не попусти того быти и призре на свое создание, хотяй тем страстотерпцом невесту свою, еже есть церковь, сохранить от разорения, и за правое его страдание прославити и вышше всех того учинити, яко же⁹⁴ своими || праведными усты: «Прославляющая мя прославлю», — рече господь, и избави⁹⁵ того великаго боярина⁹⁶ от его законопреступничья неправеднаго меча заклания, и от неповинные смерти свободи его, и приложи угрызающаго змия в малосокращение, еже не ухапити его своими челюстма отверстыма;

⁶⁹ В списке В вместо слова дщерь вставка из Сказания сестру его царевну Ксению Борисовну. ⁷⁰ Доб. и друзи, и братие, и сродницы, да о сем всяк человек да внимает В. ⁷¹ мерите В. ⁷² вам В. ⁷³⁻⁷⁴ и сами ту же испиют В. ⁷⁴ Доб. и аще не от человек, то от бога мечь примут В. ⁷⁵⁻⁷⁵ Нет В. ⁷⁶⁻⁷⁶ Нет В. ⁷⁷⁻⁷⁷ Очесама В. ⁷⁸⁻⁷⁸ никого же себе В. ⁷⁹⁻⁷⁹ Бориса Годунова святоубийцу В. ⁸⁰ Доб. церкви В. ⁸¹ Доб. Михайла В. ⁸² Доб. от древних, благочестивых великих князей В. ⁸³ Нет В. ⁸⁴ ны В. ⁸⁵ Доб. Годунов В. ⁸⁶ дресеса В. ⁸⁷ не имуще ничто же В. ⁸⁸ Доб. в В. ⁸⁹ Варсунофьевской В. ⁹⁰ иде В. ⁹¹ Доб. по времени ж В. ⁹²⁻⁹² В списке В вместо этих слов вставка из Сказания. ⁹³⁻⁹³ В списке В вместо Повести текст Сказания. ⁹⁴ Доб. рече В. ⁹⁵ Доб. господь В. ⁹⁶ В ркп. ошибочно боярина, исправлено по В.